

Adolygu Darpariaeth Gynradd yng Ngorllewin y Fro

Cwestiynau Cyffredin

Mae Cyngor Bro Morgannwg yn ymrwymedig i sicrhau bod pob disgybl yn y Fro yn cael cyfle i gyflawni'r deilliannau gorau posib.

Er mwyn cyflawni'r uchelgais hwn, mae'n hanfodol ein bod ni'n sicrhau bod ysgolion yn parhau'n gynaliadwy a bod ganddynt yr amgylcheddau dysgu gorau posib. Mae'r cynnig i ymgynghori'n amlinellu cyfle i fodloni'r meini prawf hyn i staff a disgyblion Ysgol Gynradd Llancarfan, yn ogystal ag ateb y galw cynyddol am leoedd ysgol o ardal y Rhws. Mae'r cynnig i symud Llancarfan hefyd yn destun proses ymgynghori lawn â disgyblion, staff, rhieni ac aelodau'r gymuned. Bydd y Cabinet yn ystyried unrhyw ymatebion cyn gwneud unrhyw benderfyniadau terfynol.

Bydd y Cyngor yn cynnal rhestr o gwestiynau cyffredin ar ei wefan fel rhan o'r broses ymgynghori, a fydd yn dechrau 5 Mawrth 2018 ar ôl i'r Cabinet gymeradwyo ymgynghoriad ar 22 Ionawr 2018. Mae nifer o gwestiynau wedi cael eu derbyn hyd yn hyn a nodir yr ymatebion isod. Bydd cyfres lawn o ddogfennaeth a fydd yn nodi'r cynigion a'r ystyriaethau'n fanwl yn cael ei darparu ar y pryd. Caiff nifer o sesiynau ymgysylltu eu trefnu hefyd i bob rhiant, disgybl, aelod o staff ac aelod o'r gymuned ddod i ofyn cwestiynau.

Ydych chi'n bwriadu cau Ysgol Gynradd Llancarfan?

Nod y cynnig yw symud yr ysgol bresennol i adeilad ysgol newydd mwy o faint yn unol â Rhaglen Ysgolion yr 21ain Ganrif Llywodraeth Cymru. Nid yw'r cynigion yn cynnwys unrhyw gynlluniau i gau Ysgol Gynradd Llancarfan.

Hefyd byddai adeilad newydd arfaethedig Ysgol Gynradd Llancarfan yn gallu darparu ar gyfer y galw cynyddol am leoedd i ddisgyblion yng Ngorllewin y Fro, yn bennaf o ddatblygiadau newydd fel ardal y Rhws. Byddai staff, llywodraethwyr a disgyblion sydd yn Ysgol Gynradd Llancarfan ar hyn o bryd yn symud i'r adeilad newydd.

Oes modd adeiladu ysgol newydd yn Llancarfan?

Mae nifer o gyfyngiadau cynhenid yn yr adeilad ysgol Fictoraidd ei hun a'r tir o'i gwmpas a fyddai'n atal codi adeilad newydd ar y safle. Nid yw'r ddarpariaeth bresennol yn creu amgylchedd dysgu addas i'r 21ain ganrif.

Mae poblogaeth dalgylch Llancarfan yn fach o'i chymharu â nifer y lleoedd disgyblion sydd ganddi. Mae lle yn Ysgol Gynradd y Rhws yn prinhaus ac mae dros draean o'r plant sy'n mynychu Llancarfan yn dod o ardal y Rhws. Dim ond 30% o'r disgyblion yn Llancarfan yn dod o ddalgylch Llancarfan. Mae 70% yn dod o'r tu allan i'r dalgylch.

Sut byddai Ysgol Gynradd y Rhws yn ymdopi petai ysgol gynradd arall yn yr ardal?

Mae'r cynnig hwn yn creu cyfle unigryw nid yn unig i symud Ysgol Gynradd Llancarfan i adeilad newydd sy'n addas i ysgol yr 21ain ganrif ond hefyd i greu lle ar gyfer plant o'r datblygiad tai newydd yn y Rhws. Mae Ysgol Gynradd y Rhws tua milltir o leoliad arfaethedig safle'r ysgol newydd. Nid oes unrhyw gynlluniau fel rhan o'r cynnig hwn i gyfuno ag Ysgol Gynradd y Rhws.

Pa ymrwymiad i blant presennol Ysgol Gynradd Llancarfan fydd yn cael ei gyflawni?

Cynigir, fel rhan o'r broses ymgynghori ynghylch yr adeilad ysgol newydd ac fel rhan o ymgynghoriadau ar drefniadau derbyn yn y dyfodol, y bydd trefniadau trosglwyddo ar waith i ddisgyblion presennol Ysgol Gynradd Llancarfan ar ôl symud. Bwriad y Cyngor yw cadw'r trefniadau bwydo a'r cysylltiadau dalgylch â'r Bont-faen ar gyfer disgyblion presennol Ysgol Gynradd Llancarfan ar ôl symud nes iddynt adael yr ysgol. Hefyd bydd brodyr a chwirydd disgyblion sy'n mynychu'r ysgol adeg y symud yn cael blaenoriaeth uchel o ran eu derbyn i Ysgol Gynradd Llancarfan pan fyddant yn cyrraedd oedran ysgol. Bydd hyn yn rhan o'r meini prawf pan fo mwy o geisiadau na lleoedd sydd ar waith. Byddai manylion llawn pob rhanddeiliad eu cynnwys fel rhan o'r ddogfen ymgynghori.

A fyddai'r un hawliau ar gael i ddisgyblion sy'n cael eu derbyn i'r ysgol rhwng gwneud penderfyniad i symud Ysgol Gynradd Llancarfan i'r adeilad ysgol newydd a'r broses wirioneddol o symud?

Yn amodol ar ganlyniad ymgynghoriad statudol, bwriedir cadw'r trefniadau presennol ar gyfer ysgolion bwydo i ddisgyblion sydd ar y gofrestr ar y dyddiad symud. Byddai unrhyw ddisgyblion sy'n ymuno ag Ysgol Gynradd Llancarfan ar ôl symud i'r safle newydd yn destun y trefniadau derbyn cytunedig ar waith ar y pryd hwnnw. Byddai blaenoriaeth yn cael ei rhoi o hyd yn ystod y broses dderbyn i frodyr a chwirydd yn unol â pholisi derbyn y Cyngor. Ni chynigir newid y trefniadau hyn.

A fyddai disgyblion o ddalgylch presennol Llancarfan yn cadw eu hawliau i gael eu derbyn i Ysgol Gyfun y Bont-faen neu a fyddai dalgylch Ysgol Gyfun y Bont-faen yn cael ei newid i eithrio dalgylch yr ysgol wedi symud?

Ffiniau traddodiadol yw dalgylchoedd sy'n cael eu creu i sicrhau bod ysgolion lleol yn gwasanaethu eu cymuned. Ni fyddai unrhyw newid i ddalgylch Ysgol Gyfun y Bont-faen tan ar ôl adolygiad o ddalgylchoedd a'r ymgynghoriad gofynnol. Wrth gwrs, bydd cyfle bob amser i rieni nodi eu dewis nhw.